

Referat - møte om 17. mai Meland kyrkje, 28.09.2022

Dato: 28.09.2022

Tid og stad: 18:00-20:00 Meieriet Frekhaug

Bakgrunn: Kunnskap og dialog om den tradisjonelle feiringa av 17. mai på Meland

Type møte: Dialogmøte

Møteleiar: Tenesteleiar kultur Alver – Eirik Bouwer Utne (referent)

Til stades:

Meland musikklag – Sissel Fløysand
Sagstad skulekorps – Laura Camilla Størseth, Magnhild Søvik
Meland sokn – Bjørn Tore Sæle, Kristin Brakstad Traa
UL Varden – Siren Grasdal Øvretveit
UL Von – Beate Andersen
FAU Sagstad/17. mai-komite Sagstad – Fredrik Seliussen, Jorunn Espetveit, Kristin Garlid, Lene Gjærde
FAU Grasdal/17. mai-komite Grasdal – Tonje Dale, Anette Tangen Fredriksen
FAU Vestbygd – Martin Pilskog, Tommy Skjelvik

Ikkje til stades: UL Solglytt, Grasdal skule, Sagstad skule, Vestbygd skule

1. Info frå kommunen / status

Alver kommune ved tenesteleiar kultur, Eirik Bouwer Utne, orienterte kort om status:

Kommunens del av markeringa har frå sentralt hald i hovudsak vore scene/lyd og bussar. I tillegg kjem leing av folkemøte og diverse oppgåver. Kostnaden på scene og bussar har auka betydeleg dei siste åra. Alver kommune har ikkje faste avsette midlar til formålet, og scene/buss i framtida er avhengig av ei budsjettjustering.

Meland kommune var del i 17.mai-komiteen, mens Alver kommune har ikkje automatisk vidareført denne rolla.

Våren 2022 vedtok Alver kommunestyre å støtte 17. mai 2022 på Meland som tidlegare. Samstundes spurte kommunestyret om ei tilbakemelding på korleis medarrangørane ønskte feiringa for framtida.

På same tid hadde medarrangørane og kommunen eit førebuande møte om 17. maifeiringa i 2022, og fleire av organisasjonane uttrykte behov for dialog og avklaring om feiringa i framtida.

Alver kommune inviterte derfor til nytt møte 28.9.2022 [som referatet her gjeld] med bakgrunn i både kommunestyrets og arrangørane spørsmål om korleis ein skal feire 17. mai på søre Holsnøy framover.

Informasjonen i tida framover vil danne grunnlag for tilbakemelding til kommunestyret. Alver kommune ser behovet for ein god og brei prosess om saka.

Det vart elles informert om at kommunen sentralt ikkje involverer seg i særleg grad i dei kring 30 andre komiteane i kommunen, utover å dekke totalt 14 minnekransar.

17. mai vert organisert på ulike måtar rundt i kommunen, og er grunnleggande samfunnsarrangement med sterk lokal forankring og tradisjonar.

Alver kommune vil ta utgangspunkt i at krinsane på søre Holsnøy sjølv må avgjere kva for markering dei vil arrangere. Arrangørorganisasjonane bør sjå om feiringa er avhengig av scene og bussar på same vis som før.

2. Runde – organisasjonane

FAU Sagstad / 17. mai-komite Sagstad

Kjenner til at finst ulike oppfatningar i krinsen.

Er kjend med at ikkje alle går i toget til Meland, men venter til arrangementet ved skulen startar på ettermiddagen.

Melder at arrangementet ved skulen krev mykje innsats, og ser ikkje høve for ytterlegare bidrag til gjennomføringa av folkemøtet på Meland. Folkemøtet er blitt stort, og få som har kapasitet til å organisere det.

Sagstad skulekorps

Ser at folkemøtet på Meland har vekt seg stort.

Melder at det er langt å gå, særleg for dei yngste i korpset. Stoppa derfor i botnen av Dalesvingane i 2022.

Har opplevd i pandemitida at ungane i korpset har sett pris på å spele for folk langs vegane på Frekhaug, og at det kan vere mindre motiverande på vegen opp mot kyrkja. Det ligg mykje øving bak spelinga på 17. mai.

Dersom ein ikkje fortset med tog til Meland, kan korpset vurdere å spele i fleire krinsar ved dei lokale markeringane.

Meland Musikklag

Meland Musikklag speler under folkemøtet og har ei rolle i folkemøtet. Kan fortsetje og gå i toget til Meland, men vil òg gå i tog andre plassar om det skulle skje. Ser at folkemøtet har vorte stort.

FAU Vestbygd

Kjenner til ulike oppfatningar i krinsen. Opplever folkemøtet som ein årleg tradisjon i møte med bygder på søre Holsnøy. Fekk i år tilbakemelding om at dugnadsoppgåver ofte fell på dei same personane. På Vestbygd har FAU ansvar for toget opp til folkemøtet og arrangementet ved Vestbygd skule, gjennom rullering med foreldre frå 5. og 6. klasse

UL Von

Kjenner til ulike oppfatningar i krinsen. Melder at dei ser folkemøtet som ein fin tradisjon, som byggjar på historisk fellesskap. Kan få til deltaking på folkemøtet kvart tredje år, krev mange dugnadsfolk. Inntektene er ikkje avgjerande for laget. Open for samarbeid med dei andre ungdomslaga. Ser at folkemøtet er blitt stort.

FAU Grasdal / 17. mai-komite

Kjenner til ulike oppfatningar i krinsen. Er kjend med at ikkje alle går i toget til Meland, men ventar til arrangementet ved skulen startar på ettermiddagen. Faste klassetrinn - foreldre har ansvar for arrangement

UL Varden

Kjenner til ulike oppfatningar i krinsen. Folkemøtet på Meland har vekst seg stort, vanskeleg å dimensjonere for det. Krev 25 dugnadsfolk.

Inntektene er ikkje avgjerande for laget. Open for samarbeid med dei andre ungdomslaga.

Meland sokn

Melder at dei set stor pris på folkemøtet, og at det er ein fin møteplass mellom kyrkje og folk. Folkemøtet har ein kulturhistorisk dimensjon, der kyrkjestaden vert brukt til fellesskap og møte mellom folk.

Ser at folkemøtet-delen krev mykje dugnadsinnsats, men vil bidra så godt som mogleg med infrastruktur (kjøkken, straum etc). Mobildekninga skal betrast i området, som vil gjere betaling enklare under folkemøtet

Ser det som viktig at saka vert godt diskutert på opent og demokratisk vis før krinsane tek ei avgjerd. Markeringa viser eit historisk fellesskap mellom bygdene.

Ønskjer å oppretthalde gudsteneste, men er open for å ha denne utandørs eller på andre vis enn tidlegare. Vil i alle tilfelle avpasse tidspunkt til å passe for andre.

3. Vidare prosess

Organisasjonane tek eigne rundar på spørsmålet, og melder tilbake til Alver kommune innan 30. november 2022. Vidare prosess vert vurdert i etterkant.

Til sist - takkar for den gode, opne dialogen og samarbeidet i denne saka!